

publice ex æquo participes sunt : videlicet *Tigurum*, & accessit Fœderi trium Pagorū anno Dom. c15 cccl1. *Berna* fœderi Helvetico juncta est anno c15 ccclv. *Lucerna* anno c15 cccxxx11 perpetuo fœdere tribus primis Pagis juncta est. *Uria*, *Uren* : *Suitia*, *Switz* : *Under-Walden* hæ primæ inter se fœdus constituerunt anno c15 ccccl1x. *Tugium*, *Zug* anno c15 cccl11 sex Pagis accessit. *Glarona* simul cum *Tugio* idem fœdus iniit. *Basilea* anno c15 151 se decem Pagis fœdere junxit. *Friburgum*, *Salodorum* simul anno c15 ccccx1 in numerum Pagorum communi consensu receptæ sunt, & sic Civitas Helvetica x Pagis constitit. *Schaffhusen* anno c15 151 in numerum Pagorum recepta, cum xi pepigit. *Abbatiscella* anno c15 1511 in numerum Pagorum recepta est. Hujus Pagi ager in 12 partes sive ordines divisus est, quas ibi *Roden* vocant, quarum sex conjunctæ Pago, *interiores* dicuntur : reliquæ *exteriores*. Deliguntur autem è singulis partibus Senatores æquali numero x11 qui toti regioni consulant, & fiunt in universum c111 Senatores. Secunda pars sunt fœderati, *Abbas* & *Opidum S. Galli* fœdere junctum 1v Pagis Helvetiorum anno c15 cccclv. Et post anno c15 cccclv cum vi Pagis Tiguro, *Berna*, *Lucerna*, *Suitia*, *Tugio* & *Glarona* in perpetuum. *Rhetorum Populus Grampontier* cum vi1 veteribus Pagis æternum fœdus pepigit anno c15 cccxcv11. *Curienfes* vero, quorum societas *Domus Dei* vocatur, anno c15 cccxc11x. Tertia societas quæ *Decem Judiciorum* vocatur cum Helvetiis non pepigit, sed quia 11 prioribus, æterno fœdere coheret, etiam Helvetiis amicitiam & societatem fidam præstat. *Sedunum* cum *Valesia* tota fœdus æternum iniit cum Bernatibus, anno c15 cccclxxv. Et post cum Religionis controversia orta esset, *Hadrianus* Episcopus *Sedunensis*, & septem *Decumæ Valesianorum* fœdus fecere, anno c15 15 xxx111, *Friburgi* cum vi1 Pagis *Helvetiæ* *Lucerna*, *Vria*, *Suitia*, *Vnderwaldia*, *Tugio*, *Friburgo*, *Salodoro* ex integro *Romanæ Ecclesiæ* adherentibus. *Rotweil* primo fœdus iniit cum Helvetiis, anno c15 cccclx111 in annos xv, quod aliquoties renovatum, anno demum c15 15 x1x perpetuo sancitum est. *Mulhusen* anno c15 cccclx11x Helvetiis fœdere juncta est. *Bienna Biel* Bernatibus se fœdere junxit annis 1303, 1306, 1352, ac 1367 arctissime. *Geneva* jus Civitatis cum Bernatibus pepigit, idque arctius firmavit, anno c15 15 xxxvi, nondum tamen communi Pagorum Civitati inserta est. Tertia sunt Præfecturæ armis, aut spontanea deditione conquistæ : *Turgea*, *Turgow* anno c15 cccclx in potestatem Helvetiorum redacta, cui vi1 vetustiores Pagi imperant. *Aquensis Baden* subjugata anno c15 ccccxv, cui 11x primi Pagi imperant. *Rheguisti* anno c15 cccxc1 conquistata a Pagis vi1 primis & x111 regitur. *Sarunetum*, *Sarungas* anno c15 cccxc111 a *Georgio* Comite *Werdenbergensi*, vi1 primis Pagis venditum, a quibus & regitur. *Libera Provincia* capta anno c15 ccccxv, vi1 veterum Pagorum Imperium agnoscunt *Lugano*, *Lacarno*, *Mendresum*, *Vallis Madia* : hæ 1v Præfecturæ ex dono *Maximiliani Sfortiæ Ducis Mediolanensis*, anno c15 15 x111 in Helvetiorum potestatem pervenere : His omnes Pagi præstant, excepta *Abbatiscella*. *Biltionum*, *Belluzona* : hujus Imperium 111 primis Pagis confirmatum est, anno c15 15 x111. *Valesia* quæ etiam hac Tabula continetur, complectitur tres populos, & tria fœdera. Duo priores sunt *Viberi* & *Seduni*, qui uno nomine *Liberi Valesii Superiores* dicuntur, & in vi11 Conventus quos *Decumas* vel *Defenas* vocant, divisi sunt.